



Kev Ceeb Toom Rau Cov Neeg Txawv Tebchaws

Immigration Warnings

Kuv nyob hauv tebchaws U.S. no tsis raws cai, tabsis kuv xav ua ntawv thov nyob nov kom raws cai yav tom ntej no.

Puas muaj tej yam kuv ua tau tam sim no kom pab tau kuv muaj feem tau nyob tebchaws no yav tom ntej?

Yog koj nyob hauv tebchaws U.S. tsis tau kev tso cai, koj ua txhaum U.S. cov cai tswj neeg txawv tebchaws. Yuav muaj feem raug ntes los ntawm tsoom fwv cov tub ceev xwm hauv Immigration & Customs Enforcement (ICE) thiab yuav raug xa rov qab. Yog koj tuaj nov tsis raws kevcai, tabsis cia siab tias yuav thov kom tau nyob ib hnub twg, nws muaj tej yam koj ua tau uas yuav pab kom koj muaj feem hloov kom koj nyob tau raws cai yav tom ntej no.

Paub Koj Cov Cai Thiab Txav Deb Ntawm Teeb Meem

Txav Deb Ntawm Teeb Meem. Tsis txhab koom tes nrog leej twg ua tej yam txhaum tsoj cai. Tej zaum nws yuav tsis pab kom koj tau nyob tebchaws no thiab tej zaum koj yuav raug xa rov qab. Tsis txhab muaj kev cuam tshuam nrog tub ceevxwm los yog lwm cov neeg ceevxwm tsuas yog tias yuav tsum tau xwb. Nyob rau tej qhov chaw, cov tub ceevxwm hauv zej zog koom tes nrog tsoom fwv cov tub ceev xwm ntes cov neeg tsis muaj ntaub ntawv nyob (ICE), thiab tej zaum lawv yuav hu ICE yog lawv xav tias koj tuaj nyob tsis raws cai.



Yog tias koj raug nres los ntawm tub ceevxwm, koj muaj cai tsis hais lus. Yog koj tsis xav hais dabtsi, qhia rau tus tub ceevxwm. Hauv Minnesota, koj yuav tsum qhia tias koj yog leej twg, ces tsuas qhia koj lub npe thiab xeem thiab muab daim ntawv ID rau tub ceev xwm.

Yog hais tub ceev xwm nug seb koj puas muaj ntawv nyob tebchaws no, koj muaj tsoj cai tsis hais lus. Koj tsis tas teb lus nug txog koj yug qhov twg, seb koj puas yog los yog tsis yog neeg xam xaj U.S., los yog koj nkag tau tuaj li cas hauv lub tebchaws Meskas. Yog tias tub ceevxwm coj koj mus kaws, koj tsis tas yuav teb lus nug txog qhov koj tuaj nyob tau li cas hauv tebchaws Meskas, thiab koj tsis tas nrog ICE tham li.

Tabsis koj yuav tsum hu tub ceevxwm los yog hu rau cov neeg pab kub ntxhov thaum koj toobkas lawv, xws li hu qhia thaum muaj neeg ua txhaum cai, los yog xav tau kev pab thaum muaj mob. Tej co neeg es raug tsim txom los ntawm tej qho kev ua txhaum kuj yuav tau txais kev pab tshwj xeeb rau neeg txawv tebchaws yog lawv qhia txog tej yam txhaum cai thiab koom tes nrog rau tub ceev xwm thaum lawv soj ntsuam txog los yog thaum foob.

Yog koj muaj keeb kwm ua txhaum cai, mus sab laj nrog ib tug kws li choj rau neeg txawv tebchaws ua ntej yuav ua ntawv thov nyob tebchaws U.S.

Tsis Txhob Hais Tias Koj Yog Ib Tus Neeg Xam Xaj U.S. thiab Tsis Txhob Pov Npav

Yog koj tsis yog ib tug neeg xam xaj U.S., **tsis txhob** hais tias koj yog kiag li. Qhov hu uas dag tias koj yog ib tug neeg xam xaj U.S. Yog koj tias koj yog neeg xam xaj U.S. tabsis koj tsis yog, tej zaum koj tsis muaj feem tau nyob tebchaws no li lawm, thiab tej zaum muab koj xa rov qab.

- Pov npav los yog cuv npe kom pov tau npav muab xam tias yog ib qho dag tias koj muaj xam xaj U.S.
- Siv cov ntaub ntawv qhia rau tias yog pej xeem U.S. ua muaj xam xaj los yog tias koj yog xam xaj U.S. kom tau haujlwm ua los yog rau ib qho immigration, los yog kom tau kev pab los ntawm tsoov fwv los yog lub xeev kuj yog ib qhov dag tias yog xam xaj U.S.



Ceev Faj Yog Koj Tawm Hauv Tebchaws U.S.

Txoj cai tswj neeg txawv tebchaws rau txim tej co neeg uas tawm tebchaws U.S. tom qab lawv tuaj nyob tebchaws no tsis tau kev tso cai. Yog koj tauj rau lub tebchaws Meskas tsis raws cai, los yog nyob hauv tebchaws U.S. ntev tshaj li lub caij nyoog pub rau koj nyob, koj tuaj **nyob tsis raws cai**.

Tsuas suav nyob tsis raws cai rau koj yog tshwm sim tom qab lub Plaub Hlis Hnub Tim 1, 1997, thiab thaum ntawd kom muaj hnub nyoog tsawg kawg los yog 18 xyoo lawm.

- Yog koj nyob hauv tebchaws U.S. tsis tso cai tau 6-12 lub hlis tsis kem li, thiab koj tawm mus, yuav **txwv koj 3-xyoo** tsis pub tuaj lawm.
- Yog koj nyob hauv tebchaws U.S. tsis tso cai tau 12 lub hlis los yog tshaj tsis kem li, thiab koj tawm mus, yuav **txwv koj 10-xyoo** tsis pub tuaj lawm.

Yog koj raug txwv tsis pub rov tuaj li 3- los yog 10 xyoo, koj koj tsis tau rau tebchaw U.S. raws cai lawm, los yog tau nyob tebchaws no kom ntev li 3 los yog 10 xyoo.



Yog koj musj tus txij nkawm los yog leej niam/txiv uas nyob tau tebchaws no los yog pej xeem xam xaj U.S., koj thov tau ntawv “**zam**” (waive), los yog tshem tawm qhov 3- los yog 10 xyoo txwv. Tau qhov kev zam tsis yoojyim thiab tsuas yog pub tau yog tias koj muaj pov thawj txaus tias tus neeg txheeb ze muaj kev nyuaj ntau kawg li.

Tej co neeg uas nyob tsis raws cai hauv tebchaws U.S. no kuj yuav raug **txwv tas mus li**. Tej zaum koj raug txwv tas mus li yog koj:

- 1)** Koj tuaj nyob hauv lub tebchaws U.S. no tso cai tau ib ntus los yog ob peb ntus uas ntxiv sijhawm ntev li 1 xyoos los yog ntev dua, koj tawm tebchaws U.S., ces rov qab tuaj los yog sim rov qab tuaj tsis raws cai,

LOS YOG

- 2)** Twb muab koj xa tawm tebchaws U.S. lawm thiab koj rov qab tuaj los yog sim rov qab tuaj tsis raws cai.

Cov neeg raug txwv tas mus li yeej tsis muaj cai rov qab tuaj rau tebchaws U.S. los yog tau ntawv nyob tebchaws no lawm. Zam tsis tau koj, tshem tawm tsis txhob muaj qhov txwv tag tiام، tabsis koj thov tau ntawv rov tuaj rau tebchaws U.S. yog koj nyob tawm tebchaws tau 10 xyoو.

Rau qhov txwv tsis pub tuaj tag tiام، cov neeg tswj neeg txawv tebchaws suav cov sijhawm hauv tebchaws U.S., txawm yog tsis tau muaj 18 xyoo. Nws kuj muaj tej txoj kev zam tau qhov kev txwv no. Piv txwv, yog koj muaj feem tau daim U visa.

Them Koj Cov Se

Cov neeg ua haujlwm hauv tebchaws U.S. tau them se rau cov nyiaj lawv khwv tau. Txiat se yog cov nyiaj them mus rau tsoom fwv cov kev pab tib neeg thiab feem ntau yeej txiat tawm kiag ntawm koj daim tshev tom hauj lwm.


Yog koj ua haujlwm hauv tebchaws U.S. thiab khwv tau nyiaj ntau tshaj li tej qho teem tseg, koj yuav tsum tau ua se rov los rau hauv lub xeev thiab tsoom fwv, **txawm tias koj tsis tau kev tso cai ua haujlwm**. Qhov **ua se tax tau rov qab** yog ib daim ntawv ua se kom paub tias koj tiv los tsis tiv nqi se rau tsoom fwv.

Tej zaum yuav tau **nyiaj tau rov qab** ntawm cov nyiaj se txiat tawm ntawm koj daim tshev. Txawm tias koj tsis tas ua se vim koj khwv nyiaj tsis tau ntawv txaus, koj yeej tseem ua tau se kom tau nyiaj rov qab.

Yuav tsum ua se rau tsoom fwv tsis pub dhau lub Plaub Hlis Tim 15th txhua xyoo.

Yog koj xav ua se, tabsis tsis muaj tus lej xaus saus, koj thov tau tus lej cim los ua se hu ua **Taxpayer Identification Number (ITIN)**. Tus lej chim ua se ITIN pub rau neeg ua haujlwm hauv tebchaws Meskas tsis tau kev tso cai kom lawv ua lawv cov se.

Koj thov tau ITIN nrog chaw ua se Internal Revenue Service (IRS), ntawm www.irs.gov/, los yog hu xov tooj rau 1-800-829-1040. Yog koj yuav thov ntawv nyob tebchaws no yam tom ntej, koj yuav tsum muaj koj cov qauv ua se yav tas los lawm. Yog tsis ua se yuav nyuaj rau koj los ua tau ntawv nyob tebchaws no yav tom ntej.



Luam Cov Ntawv Rau Koj Khaws Cia

Tseem ceeb uas koj yuav tsum luam cov ntawv tseem ceeb thiab lwm yam ntawv ua pov thawj qhia tias koj nyob hauv tebchaws U.S. Tej zaum cov ntaub ntawv no yuav tseem ceeb rau ua ntawv nyob tebchaws no yav tom ntej.

Koj yuav tsum luam ib daim qauv khaws cia rau:

- cov tw tshev
- ntawv (receipts) them nqi tsev
- ntaub ntawv ua se & W2 form
- ntawm them nuj nqi
- Ntaub ntawv yug & ntawv sib yuav
- keeb kwm kuaj mob
- duab ID
- ntaub ntawv tuaj nram tsoom fwv tuaj thiab ntawv receipts
- ntaub ntawv ntsig txog cov plaub txhaum cai
 - daim ntawv tub ceev xwm sau qhia
 - daim ntawv txiav txim
 - daim ntawv tsis txaus siab
- txhua yam hais txog koj rooj plaub rau neeg txawv tebchaws, thiab
- cov ntaub ntawv muaj koj npe thiab vas thib nyob rau lawv.

Ceev Faj Siv Cov Kev Pab Ntawm Tsoom Fwv

Tej zaum siv kev pab los ntawm tsoom fwv los nyiaj pab pej xeem hauv tebchaws U.S. yuav muaj kev cuam tshuam rau koj qhov kev ua ntaub ntawv thov nyob tebchaws no. Yuav kom tau nyob tebchaws U.S. no, tej co neeg yuav tsum muaj pov thawj tias lawv yuav tsis kom “tsoom fwv yug” lawv. Tus tsoom fwv yug yog ib tug yuav tos tsoom fwv tej kev pab pab lawm yav tom ntej no.

Yog koj tau txais kev pab los ntawm tsoom fwv yav tag, tej zaum yuav nyuaj rau koj los qhia rau tsoom fwv tias koj yuav tsis yog tus tsoom fwv yug. Tsoom fwv yuav saib seb yog vim li cas koj thiab li yuav tsum tau kev pab thiab koj siv qhov kev pab koj ntev npaum li cas.

Qee zaus yeej hla dhau qhov teeb meem tsoom fwv yug no thiab. Yog tias ua tau rau koj, tej zaum koj thov kom tau cov kev pab koj muaj feem tau. Nrog ib tug kws lij choj tham yog tias koj muaj lus nug.

Cov neeg tawg rog thiab cov neeg toobkas kev tiv thaiv (Refugees thiab asylees) tsis tas yuav txhawj txog qhov no. Yog hais koj yog cov neeg tawg rog thiab cov neeg toobkas kev tiv thaiv, koj thov tau kev pab ntawm tsoom fwv yog koj toobkas kev pab. Nco ntsoov muab tagnrho tej ntaub ntawv rau lub nroog thaum los laij seb koj puas muaj feem tau tsoom fwv kev pab.

Pab Nyiaj Txiaj Yug Koj Cov Menyuam

Yog tau txiav txim xaj kom koj them nyiaj hli yug menyuam, them kom raws sijhawm. Yog koj poob qab them nyiaj hli yug menyuam, los yog koj tiv cov nqi vim tsis them, hais kom muaj qhov npaj them ib qho zuj zus kom koj thiab li caum cuag.



Yog koj tsis nrog koj cov menyuam nyob, thiab koj tsis kom them nyiaj hli yug menyuam, nco ntsoov muab nyiaj mus pab yug lawv. Khaws tej ntaub ntawv qhia tias koj yug koj cov menyuam, xws li cov ntawv them ntem nqi thiab cov tshev luam. Yog koj tsis them nyiaj hli yug menyuam thiab tsis muab nyiaj pab yug lawv, tej zaum koj yuav muaj teebmeem ua tau ntawv nyob tebchaws no.

Cuv Npe Ua Tub Rog

Cov txiv neej hauv tebchaws U.S. muaj hnub nyoog 18-25 xyoos yuav tsum cuv npe ua tub rog. Nws muaj kev zam tsawg xwb. Yog koj muaj hnub nyoog 18-25 xyoos, koj yuav tsum cuv npe ua tub rog tsis pub dhau 30 hnub tom qab koj tuaj nyob hauv lub tebchaws U.S. Cov txiv neeg tuaj nyob tsis muaj ntaub ntawv los yuav tsum cuv npe ua tub rog thiab.

Tej zaum yuav siv cov ntaub ntawv qhia txoj koj ntawm kev cuv npe ua tub rog yog tias tebchaws U.S. yuav xaiv neeg mus ua tub rog. Cov ntaub ntawv kev ntawm kev cuv npe ua tub rog yuav tsis muab faib rau cov tub ceev xwm ICE.

Cuv npe ua tub rog hauv vas sab ntawm www.sss.gov/ los yog mus cuv npe tus kheej U.S. cov chaw xa ntawv.

Cov ntawv Qhia Tseeb yog qhia kom paub txoj kevcia xwb TSIS yog muab txwv yim txog txoj kevcia. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2021 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.